



REPUBLIKA E SHQIPËRISË
AUTORITETI I MBIKËQYRJES FINANCIARE
BORDI

RREGULLORE

MBI

LICENCIMIN DHE MBIKËQYRJEN E BURSËS SË TITUJVE

Miratuar me Vendimin e Bordit nr. 120, datë 02.10.2008

Ndryshuar me Vendimin e Bordit nr. 23, datë 19.03.2010

Ndryshuar me Vendimin e Bordit nr. 153, datë 21.11.2012

Ndryshuar me Vendimin e Bordit nr. 173, datë 31.10.2016

Ndryshuar me Vendimin e Bordit nr. 80, datë 24.04.2019

Neni 1

Objekti

1. Kjo rregullore hartohet në përputhje me Nenin 78, parag. 1, Nenin 81, parag. 1, dhe Nenin 88, parag. 1 i Ligjit nr. 9879, datë 21 shkurt 2008 “Për Titujt”, dhe në përputhje me të drejtat dhënë Autoritetit të Mbikëqyrjes Financiare nga Ligji nr.9572, datë 3 korrik 2006 “Për Autoritetin e Mbikëqyrjes Financiare”.
2. Qëllimi i kësaj rregulloreje është të parashikojë:
 - a. Kushtet, kërkesat dhe procedurat për licencimin e shoqërisë që do të veprojnë si bursë titujsh, si dhe;
 - b. Kushtet dhe kërkesat për rregullimin dhe mbikëqyrjen e një shoqërie që vepron si bursë titujsh.
3. Termat “bursë titujsh” dhe “shoqëri që vepron si bursë titujsh” përdoren me të njëjtin kuptim në këtë rregullore.

Neni 2

Themelimi dhe funksionet e bursës së titujve

1. Bursa e titujve themelohet vetëm si një shoqëri aksionare.
2. Shoqëria që vepron si bursë titujsh kryen vetëm aktivitete që lidhen me veprimtarinë si bursë titujsh, si dhe aktivitete të tjera që lidhen me organizimin e tregtimit të titujve dhe instrumentave të tjerë financiarë.
- *2/1. Shoqëria që vepron si bursë titujsh mund të verë në funksionim një MTF - platformë tregtimi shumëpalëshe.
2. Shoqëria e cila vepron si bursë titujsh mund të përfshihet edhe në aktivitete të lidhura me edukimin, promovimin, dhe furnizimin me informacione në lidhje me veprimtaritë e tregut të kapitalit.
3. Tregtimi i titujve në bursë organizohet nëpërmjet përdorimit të sistemit elektronik përmes të cilit kryhen të gjitha transaksionet.
4. Shoqëria që vepron si bursë titujsh duhet të ketë detyrimin dhe të drejtën ekskluzive të përfshijë fjalët “bursë titujsh” ose “bursë” në emrin e shoqërisë.

***Neni 3**

Të drejtat e pronësisë në bursën e titujve

(Shfuqizuar)

***Neni 4**

Aksionarët e bursës së titujve

1. Lista e aksionarëve të bursës së titujve, që zotërojnë të paktën 5% të votave totale të kapitalit aksionar, së bashku me pjesëmarrjen e secilit aksionar në votat totale të kapitalit aksionar të shoqërisë, publikohet në faqen zyrtare të Bursës.
2. Aksionari i Bursës së titujve, i cili zotëron në mënyrë të drejtpërdrejtë ose të tërthortë 10% apo me shumë të votave totale të kapitalit aksionar konsiderohen si aksionarë ndikues.
3. Çdo aksionar ndikues duhet të jetë i aftë dhe i përshtatshëm.

Neni 5

Ndryshimet në pronësi dhe në të drejtat e votës

1. Autoriteti duhet të njoftohet paraprakisht për çdo transferim aksionesh, dhe ndryshim të drejtave të ushtrimit të votave në shoqërinë që vepron si bursë titujsh.

2. Autoriteti miraton paraprakisht çdo zotërim apo nënshkrim të drejtpërdrejtë apo jo të drejtpërdrejtë të aksioneve në një shoqëri që vepron si bursë titujsh të cilat:
 - a. Përfaqësojnë 10% ose më shumë të votave totale të kapitalit aksionar ose;
 - b. Arrijnë apo tejkalojnë 10%, 20%, 33% ose 50% të votave totale të kapitalit aksionar.
3. Pala e cila synon të marrë në zotërim aksione ose të drejtat e votimit është e detyruar që të paraqesë pranë Autoritetit njoftimet sipas pikës 1 ose kërkesës sipas pikës 2 të këtij neni.
4. Zotërimi i aksioneve dhe të drejtave të votës në një shoqëri që vepron si bursë titujsh nga subjektet të cilat i përkasin të njëjtit grup shoqërisht, konsiderohet si zotërim i këtyre aksioneve apo të drejtave të votimit nga një subjekt i vetëm.
5. Marrja në zotërim jo e drejtpërdrejtë e aksioneve dhe të drejtave të votimit në një shoqëri që vepron si bursë titujsh do të jetë blerja ose nënshkrimi për aksione në çdo subjekt i cili zotëron, drejtpërdrejtë apo jo drejtpërdrejtë, aksione në këtë shoqëri që vepron si bursë titujsh, nëse blerja apo nënshkrimi rezulton në arritjen apo tejkalimin e zotërimit të 50% të votave totale, ose 50% të kapitalit aksionar të këtij subjekti.
6. Autoriteti duhet që brenda 60 ditësh nga kërkesa referuar në pikën 3 të këtij neni të njoftojë me shkrim palën kërkuese mbi vendimin e tij për të aprovuar apo jo transferimin e aksioneve apo të të drejtave të votës. Autoriteti duhet t'i kërkojë palës kërkuese çdo informacion shtesë që e gjykon si të nevojshëm. Marrja në zotërim do të konsiderohet e aprovuar nëse Autoriteti nuk përgjigjet brenda 60 ditëve nga data që ka marrë informacionin e fundit të kërkuar.
7. Autoriteti nuk miraton asnjë marrje në zotërim, të drejtpërdrejtë apo jo të drejtpërdrejtë të aksioneve dhe të drejtave të votës të një shoqërie që vepron si bursë titujsh, nëse ka baza të arsyeshme për të besuar që subjekti që ka propozuar marrjen në zotërim të aksioneve apo të drejtave të votës mund të ushtrojë një influencë të dëmshme mbi administrimin e shoqërisë që vepron si bursë titujsh. Nëse Autoriteti e miraton marrjen në zotërim, mund të vendosë një datë përfundimtare brenda së cilës mund të merren në zotërim aksionet e shoqërisë që vepron si bursë titujsh.
8. Nëse aksionet e një shoqërie që vepron si bursë titujsh do të zotërohen nga:
 - a. Një shoqëri e huaj, subjekt rregullimi dhe mbikëqyrje financiare në vendin e vet; ose
 - b. Një shoqëri me seli në Republikën e Shqipërisë, e cila:
 - i. Është filial i një subjekti të përshkruar në paragrafin (a); ose
 - ii. Mbi të cilën një subjekt i përshkruar në paragrafin (a) ushtron një influencë të konsiderueshme, atëherë Autoriteti mund të kërkojë opinion mbi këtë subjekt nga autoritetet kompetente rregullatore të shtetit ku është i vendosur subjekti.
9. Njoftimi i referuar në pikën 1 dhe kërkesa e referuar në pikën 2 të këtij neni duhet të specifikojnë numrin e aksioneve që do të merren në zotërim, përqindjen në kapitalin aksionar dhe numrin dhe përqindjen e votave që blerësi do të zotërojë në Asambleshën e Përgjithshme të Aksionarëve, dhe duhet të përfshijë edhe një deklaratë mbi burimin e fondeve që do të përdoren për të paguar aksionet në shoqërinë që vepron si bursë titujsh.

Neni 6

Kriteret për emërimin e këshillit mbikëqyrës dhe të drejtorisë

1. Autoriteti miraton emërimin e anëtarëve të këshillit mbikëqyrës dhe të drejtorisë së bursës së titujve në përputhje me parashikimet e nenit 84 të Ligjit nr. 9879, datë 21 shkurt 2008 “Për Titujt”.
2. Të paktën një nga anëtarët e këshillit duhet të ketë eksperiencë profesionale në kontabilitet.
3. Raporti vjetor i bursës së titujve duhet të publikojë të dhëna mbi pjesëmarrjen e anëtarëve në mbledhjet e këshillit mbikëqyrës dhe mbi shpërblimin e tyre.
4. Anëtarët e drejtorisë dhe këshillit mbikëqyrës të bursës së titujve, dhe gjithashtu edhe të punësuarit e bursës nuk mund të jenë anëtarë të drejtorisë apo këshillit mbikëqyrës të shoqërive komisionere apo emetuesve, titujt e të cilëve janë të listuar në bursën e titujve.
5. Anëtari i drejtorisë të bursës së titujve duhet të ketë kualifikime afatgjata, si dhe eksperiencë pune të paktën pesë vjet në tregun financiar.
6. Kërkesat për emërimin e drejtorit apo të anëtarit të këshillit mbikëqyrës, duhet të shoqërohet me dokumentet e mëposhtme:
 - a. Një biografi të shkurtër ose një CV;
 - b. Një vendim nga organi i autorizuar për emërimin e drejtorit ose anëtarit të këshillit mbikëqyrës;
 - c. Dokumente zyrtare që vërtetojnë kualifikimet dhe eksperiencën profesionale;
 - d. Vërtetim që anëtari ose drejtori nuk ka qenë subjekt i një dënimi gjyqësor për shkelje kriminale në fushën e shoqërive tregtare, taksave, ekonomisë dhe financës, si dhe;
 - e. Një letër rekomandimi ose reference nga punëdhënësi.
7. Autoriteti miraton emërimin e anëtarëve të këshillit mbikëqyrës dhe të anëtarëve të drejtorisë brenda 60 ditëve kalendarike që nga data e marrjes së kërkesës referuar në paragrafin 2 të këtij neni, përveç rasteve kur evidenton që anëtari i këshillit ose drejtori i propozuar:
 - a. Nuk i përmbush kriteret mbi eksperiencën profesionale dhe kualifikimet akademike;
 - b. Është subjekt i masave penale apo civile që ndalojnë ushtrimin e aktivitetit apo detyrave profesionale;
 - c. Është vendosur nga gjykata në mënyrë të pakthyeshme që ka kontribuar ose ka shkaktuar falimentimin e një personi juridik; ose
 - d. Ka paraqitur të dhëna të rreme në dokumentet e paraqitura në përputhje me paragrafin 2 të këtij neni.
8. Autoriteti jep një sqarim të arsyeshëm me shkrim për çdo vendim për mos miratimin e kërkesës për emërimin e drejtorit apo anëtarit të këshillit mbikëqyrës të një burse titujsh. Emërimi do të konsiderohet i miratuar nëse Autoriteti nuk përgjigjet brenda 60 ditëve që nga data që janë marrë të dhënat e fundit.

Neni 7

Përmbajtja e statutit

Statuti i bursës së titujve duhet të përcaktojë minimalisht kërkesat e mëposhtme:

- a. Kriteret, detyrat dhe të drejtat e anëtarëve të bursës së titujve;
- b. Kushtet, kriteret dhe dokumentet e kërkuar për pranimin e anëtarëve individual të bursës së titujve dhe të drejtat e detyrat e tyre;
- c. Arsyet e mundshme për refuzimin e pjesëmarrjes së anëtarëve në bursë;
- d. Parimet themelore të veprimtarisë së bursës të titujve;
- e. Detyrat për të lëshuar rregulla dhe udhëzime dhe strukturat përkatëse që i amendojnë dhe i miratojnë këto rregulla;
- f. Metodën e kontrollit, e kryer nga vetë bursa e titujve për veprimtarinë e ushtruar në bursë dhe metoda e mbikëqyrjes të anëtarëve;
- g. Metodën e zgjidhjes së kontradiktave të mundshme midis anëtarëve të bursës së titujve;
- h. Metodën e parandalimit të abuzimit me informacionin që nuk është i aksesueshëm nga të gjithë anëtarët e bursës së titujve;
- i. Çështje të tjera në lidhje me aktivitetin e bursës së titujve.

Neni 8

Anëtarët e bursës së titujve

1. Bursa e titujve miraton Rregullat e Anëtarësimit, në përputhje me aktet nënligjore të saj, të cilat vendosin në mënyrë të hollësishme kriteret e anëtarësimit, detyrat dhe të drejtat e anëtarëve të bursës së titujve.
2. Bursa e titujve është e detyruar që të lejojë çdo pjesëmarrës të licencuar në treg në përputhje me paragrafin 3.a. të këtij neni, të bëhet anëtar i bursës së titujve, nëse ai i përmbush kushtet e parashtruara në rregullat e anëtarësimit të kësaj burse.
3. Rregullat e Anëtarësimit të bursës së titujve duhet të kërkojnë që një anëtar i saj:
 - a. Të jetë i licencuar nga Autoriteti për ushtrimin e veprimtarive me titujt;
 - b. Të jetë i pajisur në mënyrë të përshtatshme për sa i përket anës organizative dhe pajisjeve teknike;
 - c. Të ketë një marrëveshje shërbimi me një subjekt që kryen funksione regjistrimi për bursën e titujve, dhe;
 - d. Të plotësojë çdo kriter tjetër që Autoriteti dhe bursa e titujve mund të përcaktojnë.
4. Rregullat e anëtarësimit të bursës së titujve duhet të parashikojnë që një shoqëri që aplikon për anëtarësim të paraqesë dokumentet e mëposhtme:
 - a. Aplikim me shkrim në një formë dhe përmbajtjeje të përcaktuar nga bursa e titujve;

- b. Një kopje të akteve nënligjore;
 - c. Një kopje të licencës për ushtrimin e veprimtarive me titujt të lëshuar nga Autoriteti, si dhe;
 - d. Ndonjë informacion shtesë që bursa e titujve mund të kërkojë në bazë të rregullave të anëtarësimit, tregtimit, listimit dhe kleringut.
5. Pjesëmarrësit e licencuar që ju është refuzuar anëtarësimi në bursën e titujve mund të apelojnë kundër këtij vendimi pranë Autoritetit brenda 15 ditësh nga marrja e vendimit. Brenda 60 ditëve nga apelimi Autoriteti do të konfirmojë vendimin e bursës së titujve ose do t'ia kthejë asaj për rishikim.
 6. Të gjithë anëtarët e bursës së titujve duhet të veprojnë në përputhje me të gjitha rregulloret e bursës.

Neni 9

Rregullat e listimit

1. Rregullat e listimit të bursës së titujve përcaktojnë kriteret, kushtet dhe procedurat e listimit, pezullimin dhe heqjen e listimit të titujve dhe instrumentave të tjerë financiarë nga bursa e titujve.
2. Rregullat e listimit mund të specifikojnë kushte shtesë për pranimin e titujve dhe instrumentave të tjerë financiarë për tregtim, qëllimi i vetëm i të cilave do të jetë mbrojtja e interesave të konsumatorëve. Në raste të tilla subjekti që aplikon për pranimin e titujve apo instrumentave të tjerë financiar të caktuar për listim duhet të informohet për këto kushte shtesë para dorëzimit të aplikimit.
3. Bursa e titujve nxjerr një vendim për listimin dhe heqjen nga listimi të titujve dhe instrumentave të tjerë financiarë nga bursa e titujve.
4. Rregullat e listimit përcaktojnë kërkesat për ekspozim të informacionit, njoftimet dhe kërkesave të tjera për qeverisjen e shoqërive në lidhje me shoqëritë e listuara. Këto kushte nuk do jenë më pak të detajuara ose më pak të rrepta se kërkesat e parashtruara nga ligji dhe aktet nënligjore të Autoritetit, për shoqëritë e listuara. Rregullat e listimit duhet të përmbajnë një procedurë që do të ndiqet në rast se emetuesi nuk i plotëson kërkesat e lartpërmenduara, të specifikuar në rregullore.
5. Asambleja e aksionarëve e emetuesit nxjerr vendim për aplikimin për listimin e titujve në bursë.
6. Titujt dhe instrumenta të tjerë financiare listohen pas paraqitjes nga emetuesi të kërkesës me shkrim dhe formularit të aplikimit.
7. Për listimin e titujve në bursë, duhet të jetë si parakusht që ato të jenë të paguara plotësisht dhe të transferueshme pa kufizim.
8. Bursa e titujve duhet të mbajë një regjistër të veçantë për çdo emetues, ku do të regjistrojë dhe të mbajë të gjitha të dhënat e duhura dhe dokumentet në lidhje me emetuesin, titujt e të cilit janë listuar në bursën e titujve.
9. Rregullat e listimit do të përcaktojnë klasifikimin e titujve dhe instrumentave të tjerë financiarë në bursë.

10. Rregullat e listimit përcaktojnë tarifatat që do të paguajnë emetuesit që aplikojnë për listimin e titujve të tyre.
11. Emetuesi, titujt e të cilit janë listuar në bursën e titujve duhet t'i përmbahet të gjitha rregullave të listimit.
12. Heqja e listimit të titujve nga bursa e titujve me kërkesë të emetuesit kryhet vetëm në rast vendimi të marrë nga Asambleja e Aksionarëve.

Neni 10

Rregullat e tregtimit

1. Bursa e titujve miraton rregullat e tregtimit, të cilat duhet të përcaktojnë sa më poshtë:
 - a. Kushtet dhe mënyrën e tregtimit të të titujve dhe instrumentave të tjerë financiarë në bursën e titujve;
 - b. Llojet e transaksioneve që do të ekzekutohen në bursën e titujve;
 - c. Radhën e tregtimit të titujve dhe instrumentave të tjerë financiarë në bursën e titujve;
 - d. Metodën e përcaktimit dhe publikimit të çmimeve;
 - e. Ditët dhe orët e tregtimit;
 - f. Procedurat për anulimin e transaksioneve;
 - g. Organizimin e sistemit të informacionit;
 - h. Tarifatat fikse vjetore për përdorimin e faciliteteve të bursës së titujve, tarifatat së tregtimit dhe metodat e llogaritjes së këtyre tarifave;
 - i. Masa që synojnë parandalimin dhe zbulimin e ndonjë manipulimi të tregut;
 - j. Kushte sipas të cilave bursa e titujve mund të pezullojë përkohësisht ose ndalojë në mënyrë të përhershme tregtimin, me qëllim shmangien e veprimeve manipulative të paligjshme ose për të mbrojtur interesat e investitorëve dhe të tregut; dhe
 - k. Çështje të tjera në lidhje me veprimtarinë e bursës së titujve.
2. Rregullat e tregtimit të bursës së titujve duhet të mundësojnë krahasime dhe konfirmime të transaksioneve, dhe transferimin e informacionit tek regjistri dhe tek subjekti që kryen kleringun, në mënyrë që të lehtësojnë shlyerjen dhe kleringun e të gjithë tregtimeve në bursën e titujve, jo më vonë së tre ditë pune nga data e kryerjes së transaksionit.

Neni 11

Rregullat e kleringut

1. Bursa e titujve miraton rregullat e kleringut që do mund të lejojnë organizimin dhe operimin e një sistemi që garanton përmbushjen e duhur të detyrimeve që rrjedhin nga transaksionet.
2. Rregullat e kleringut duhet të parashikojnë dhe përcaktojnë procedurat për:

- a. Shlyerjen dhe kleringun e transaksioneve në bursën e titujve;
- b. Operimin e një sistemi që siguron likuiditet, dhe që përfshin një sistem të garantimit të shlyerjes së transaksioneve të ekzekutuara në bursë, dhe;
- c. Aktivitete që lidhen me funksionimin e sistemit të regjistrimit, kleringut dhe shlyerjes së transaksioneve me instrumenta të tjerë financiarë që nuk janë tituj.

Neni 12

Zgjidhja e mosmarrëveshjeve ndërmjet anëtarëve

1. Bursa e titujve miraton rregullat e arbitrazhit të krijuara për të zgjidhur mosmarrëveshjet ndërmjet anëtarëve në mënyrë të drejtë, efikase dhe të besueshme.
2. Të gjitha mosmarrëveshjet ndërmjet anëtarëve të bursës së titujve do të adresohen fillimisht nëpërmjet arbitrazhit, përpara se të ndiqet rruga gjyqësore.

Neni 13

Rregullat e sjelljes dhe disiplinës

Bursa e titujve krijon dhe operon një sistem mbikëqyrës i cili siguron që anëtarët dhe emetuesit e titujve të listuar vepron në përputhje me rregullat e bursës dhe rregullore apo procedura të tjera që qeverisin operimin e bursës.

Neni 14

Të dhënat, regjistrimet dhe sistemi informativ

1. Bursa e titujve duhet të ketë një sistem të përshtatshëm të kompjuterizuar nëpërmjet së cilit informon rregullisht publikimin mbi:
 - a. Emrin e emetuesit dhe llojet e titujve apo instrumentave financiar të tregtuar në bursë;
 - b. Çmimin e transaksionit të parë ose të hapjes, çmimin e transaksionit të fundit, çmimin më të lartë, çmimin më të ulët dhe çmimin mesatar të ponderuar me volumin e tregtimit për çdo titull apo instrument tjetër financiar të tregtuar;
 - c. Vëllimin dhe vlerën e titujve apo instrumentave të tjerë financiarë të tregtuar në treg, dhe;
 - d. Të dhëna të tjera me rëndësi në veprimtarinë e bursës.
2. Bursa e titujve mbron sistemin elektronik dhe të dhënat e mbajtura kundrejt përdorimit të paautorizuar dhe ndryshimit apo humbjes të të dhënave.

3. Bursa e titujve ruan në një vend të sigurt, në formën origjinale, dokumentat të cilat janë përdorur për regjistrimin e të dhënave në sistemin elektronik për të paktën pesë vjet.
4. Dokumentet origjinale në lidhje me aktivitetet e tregtimit duhet të regjistrohen dhe ruhen në formate elektronike.
5. Të dhënat e regjistruara dhe të ruajtura në formate elektronike duhet të ruhen në mënyrë të përhershme.

Neni 15

Aplikimi për licencë për krijimin e bursës së titujve

Personi juridik që aplikon për një licencë për krijimin dhe funksionimin e bursës së titujve duhet të dorëzojë si më poshtë:

- a. Një aplikim të shkruar, në formën dhe me përmbajtjen siç është përcaktuar nga Autoriteti;
- b. Vërtetim mbi pagesën e tarifave të licencimit të Autoritetit;
- c. Një kopje - projekt e statutit të saj;
- d. Një kopje - projekt e rregullave të anëtarësimit;
- e. Një kopje - projekt e rregullave të tregtimit;
- f. Një kopje - projekt e rregullave të listimit;
- g. Një kopje - projekt e rregullave të tij të kleringut;
- h. Një kopje - projekt e rregullave të tij të Arbitrazhit;
- i. Një kopje - projekt e rregullave të tij të sjelljes dhe disiplinës;
- j. Një kopje e kontratës ose para kontratës me një regjistër të autorizuar ku do të regjistrohen të gjitha letrat me vlerë të listuara; dhe
- k. Një plan biznesi mbi krijimin dhe funksionimin e bursës.

Neni 16

Pajisja dhe refuzimi i licencës për krijimin e bursës së titujve

1. Autoriteti merr një vendim lidhur me aplikimin për licencimin për bursën e titujve brenda gjashtëdhjetë (60) ditësh pasi ka njoftuar aplikantin që e ka marrë aplikimin e plotë. Autoriteti duhet të paraqesë njoftimin për përfundimin e procesit të aplikimit tek aplikanti brenda pesë (5) ditësh nga dita e pranimit të dokumentacionit të fundit të kërkuar.
2. Autoriteti miraton aplikimin për licencë për krijimin e bursës së titujve nëse konstaton se:
 - a. *Struktura e të drejtave të votimit përputhet me kushtet e përcaktuara në nenin 4;
 - b. Kapitali fillestar për krijimin e shoqërisë që vepron si bursë titujsh është marrë nga burime legjitime;
 - c. Emri i shoqërisë që vepron si bursë titujsh përputhet me kërkesat e përcaktuara në nenin 2, para. 5;

- d. Rregullat e anëtarësimit parashikojnë një akses të hapur dhe të barabartë për të gjithë aplikantët e përshtatshëm;
 - e. Rregullat e tregtimit dhe të kleringut parashikojnë një sistem tregtimi në përputhje me nenin 2, para. 4, dhe për një shkallë të lartë:
 - i. Të kleringut dhe shlyerjes të transaksioneve;
 - ii. Aksesit të hapur për të gjithë investitorët dhe trajtim të barabartë të anëtarëve;
 - iii. Ndershmërie në veprimtaritë e biznesit;
 - iv. Mbrojtjeje të informacionit konfidencial të konsumatorit;
 - v. Transparencë në tregtim, si dhe;
 - vi. Ekspozimi të informacionit para dhe pas tregtim.
 - f. Rregullat e listimit janë krijuar me qëllim provimin e informimit të plotë dhe të drejtë të tregut nga emetuesit e titujve të listuar;
 - g. Rregullat e sjelljes dhe të disiplinës janë të përshtatshëm për të siguruar një zbatim të plotë dhe të drejtë të rregullave të bursës;
 - h. Rregullat e arbitrazhit mundësojnë një zgjidhje efikase, të drejtë dhe në kohë të mosmarrëveshjeve;
 - i. Bursa është e aftë të kryejë të gjitha funksionet e kërkuara për sa i përket stafit, pajisjeve teknike dhe organizimit;
 - j. Këshilli Mbikëqyrës dhe drejtorët duhet të përmbushin kërkesat në përputhje me nenin 6;
 - k. Bursa ka kontratë ose marrëveshje me të paktën tre shoqëri komisionere;
 - l. Bursa ka një strukturë të përshtatshme organizative që siguron një kryerje efikase dhe uniforme të të gjithë funksioneve të saj, si dhe;
 - m. Subjekti aplikues ka paguar tarifën e licencimit të Autoritetit.
3. Autoriteti merr një vendim për refuzimin e aplikimit për dhënie licence për krijimin e një burse titujsh nëse:
- a. Vëren që kushtet sipas paragrafit 2 të këtij neni nuk përmbushen;
 - b. Arrin në përfundimin që dhënia e licencës do të jetë në dëm të interesit publik. Në këtë rast Autoriteti do të nxjerrë një rezolutë që shpjegon vendimin e tij.
2. Vendimi lidhur me aprovimin e një licence duhet të publikohet nga Autoriteti në Fletoren Zyrtare dhe në faqen elektronike të Autoritetit.

***Neni 17**

Veprime që kërkojnë miratim nga Autoriteti

*1. Bursa duhet të marrë miratim nga Autoriteti për:

- a. Statutin dhe çdo ndryshim apo amendim të tij;
- b. Miratimin e rregullave të anëtarësimit, rregullave të tregtimit, rregullave të listimit, rregullave të kleringut, rregullave të arbitrazhit dhe rregullat e sjelljes dhe disiplinës, si dhe çdo amendim të tyre;
- c. Çdo akt ose vendim që lidhet me tarifat ose komisionet që i duhen paguar bursës, dhe çdo amendim të rasteve kur duhen të paguhen këto detyrime;
- d. Adoptimin e formave të lidhjes ose shkrirjes me bursat e tjera.

*2. Kërkesat për aprovimin e rregullave ose amendimeve të këtyre rregullave duhet të shoqërohet me dokumenta të cilat vërtetojnë pagesën e tarifave përkatëse të Autoritetit.

*3. Autoriteti miraton rregullat brenda 60 ditëve nga dita e marrjes së dokumenteve të fundit dhe të plota të kërkuara nga Autoriteti.

*3/1. Bursa depoziton në Autoritet çdo akt që ka lidhje me rregullat e përcaktuara në pikën 1/b të këtij neni, si dhe çdo ndryshim të tij, brenda 15 ditëve nga miratimi i aktit nga organi kompetent i Bursës.

4. Me qëllim mbrojtjen e investitorit ose për të siguruar një tregtim të drejtë dhe korrekt të titujve apo instrumentave të tjerë financiar, Autoriteti mund t'a urdhërojë bursën e titujve të bëjë ndryshime ose të miratojë akte ose rregulla të reja të lidhura me punën dhe veprimtarinë e saj.

5. Me një kërkesë me shkrim të Autoritetit, drejtoria ose këshilli mbikëqyrës i një shoqërie që vepron si bursë titujsh:

- a. Thërret një mbledhje të jashtëzakonshme të asamblesë së aksionarëve, ose;
- b. Përfshin çështjet e sugjeruara nga Autoriteti në axhendën e mbledhjes së përgjithshme të asamblesë së aksionarëve.

6. Autoriteti mund të urdhërojë këshillin mbikëqyrës të bursës që menjëherë, dhe në raste të tjera jo më vonë se brenda 10 ditëve pune, të miratojë një zgjidhje apo rezolutë mbi një çështje specifike.

Neni 18

Mbikëqyrja mbi veprimtarinë e bursës së titujve

1. Autoriteti kryen mbikëqyrjen mbi aktivitetin dhe funksionimin e bursës së titujve.
2. Autoriteti kryen mbikëqyrjen nëpërmjet:
 - a. Rishikimit të raporteve periodike dhe vjetore dhe raporteve të tjera të kërkuara, si dhe gjithashtu dokumentacioneve shtesë të bursës së titujve të paraqitur tek

- Autoriteti. Autoriteti mund të imponojë çdo kërkesë për raportim dhe sa shpesh e shikon të përshtatshme;
- b. Kryerjes së inspektimeve në zyrat e bursës së titujve.
3. Me qëllim kryerjen e procesit të mbikëqyrjes, Autoriteti rishikon në mënyrë të veçantë çdo dokumentacion që lidhet me:
- a. Tregtimin e titujve në bursë në përputhje me kushtet e parashikuara për tregtimin, si dhe me ligjshmërinë e aktiviteteve që lidhen me tregtimin;
 - b. Zbatimin nga ana e bursës së titujve dhe anëtarëve të saj të rregullave që lidhen me veprimet me titujt dhe instrumentat e tjerë financiar, si dhe gjithashtu dhe rregullat e bursës, aktet nën-ligjore dhe akte të tjera në bazë të të cilave lëshohet një licencë për të vepruar si bursë titujsh;
 - c. Kontrollimin e situatës financiare të bursës së titujve, si dhe;
 - d. Kushtet dhe mënyra e funksionimit të bursës së titujve të cilat ndihmojnë anëtarët në përmbushjen e detyrimeve të tyre në kryerjen e kleringut dhe shlyerjes së transaksioneve.

Neni 19

Raporti vjetor

1. Bursa e titujve paraqet pranë Autoritetit raportin e plotë vjetor mbi veprimtarinë e saj për vitin paraardhës, jo më vonë se data 31 maj e çdo viti.
2. Raporti vjetor i bursës së titujve duhet të përmbajë midis të tjerash, pasqyrat financiare në mbylljen e vitit paraardhës, të përgatitura sipas Standardeve Ndërkombëtare të Raportimit Financiar dhe të audituara nga një auditor i certifikuar, sipas Standardeve Ndërkombëtare të Auditimit.
3. Nëqoftëse, sipas opinionit të Autoritetit, nevojitet që të rishikohen pjesë të raportit vjetor të bursës së titujve, Autoriteti do t'ia kthejë raportin bursës së titujve, e cila duhet të reflektojë ndryshimet brenda një periudhe kohe të arsyeshme, por jo më vonë se brenda 30 ditësh.
4. Bursa e titujve duhet të publikojë raportin e plotë vjetor në faqen e saj elektronike.

***Neni 19/1**

Pagesat ndaj Autoritetit

(shfuqizuar)

Neni 20

Hyrja në fuqi

Kjo rregullore hyn në fuqi në datën e miratimit të saj nga Bordi i Autoritetit të Mbikëqyrjes Financiare.

Elisabeta Gjoni

KRYETAR